

O Paionia i le Lalolagi atoa

Amerika Samoa

“Ua Fetalai Mai le Atua Ioe”

O Leva'aia Levao sa ola i faafitauli ogaoga o le soifua maloloina. I le 2015 sa oso ai ni fula i ona mata. Sa faamaloloina puna ina ua uma ona tuuina atu e faifeautalai ia te ia se faamanuiaga faaperisitua. Sa amata ona latou faitauina faatasi ma ia le Tusi a Mamona.

O nisi tagata i le nuu laitiiti o le motu sa le fiafia e vaai ia Levao o mafaufau i se lotu fou. Sa latou tauemu i ana taumafaiga ma ta'ufaatauvaaina o te ia. Ae, sa tumau mausali pea o ia ma e lei umi ae papatisoina. E lei leva ae mulimuli atu lona toalua, o Tui, ma lana fanau e toatolu ia te ia i le faatuatua, ma mulimuli ane auauna atu Levao i lana paranesi o se peresitene o le Aualofa. O isi, sa faatosinaina e ala i lana faaitaiga o le tuuto, na ta'ua o ia o le fatu o le Ekalesia i Olosega.

Korea i Saute

“O Le A Ou Le Toe Maalili Moni Lava”

O Choi Dong Sull o se faifeau Peresipeteriane o le sa lagonaina o lona tiutetauave le puipua o tagata o lana aulotu mai le O le Ekalesia a Iesu Keriso o le Au Paia o Aso e Gata Ai. Peitai, sa amata ona feiloai o ia ma faifeautalai ma maua le manino i mataupu faaleaoaoga faavae na le toafilemu ai oia. Sa ia iloa o ona talitonuga maumaututu fou o le a manaomia ai se suiga faalegaluega ma lamatia ai lona sootaga ma lona tamā, o le sa avea ma taitaifono o le Ekalesia Peresipeteriane a Korea i lona taimi.

Sa filifili Dong Sull e papatiso i le Vaitafe o Han. “Sa ou manao ia avea lo'u papatisoga o se mea na tupu e pei lava o Iesu Keriso i le mea e mafai ai,” sa ia faamalamalama mai ai. I le taeao puaoa o le aso 5 o Setema, 1981, sa malulu le vai o le Vaitafe o Han, ae ina ua sau o ia i fafo mai le vai, sa faamatala e Dong Sull se mafanafana i totonu. “O lenei ua ou auai i le Ekalesia moni a le Atua,” na ia fai mai ai. “O le a ou le toe maalili moni lava.” E lua vaiaso mulimuli ane, sa papatisoina ai foi lona toalua ma ona atalii e toalua—o le taimi la lea i se falelotu mafanafana. O le auai i le Ekalesia e lei faigofie ai le olaga mo Dong Sull ma lona aiga, ae na mafai ai ona maua ni faamanuiaga fou. “O sauaga ma mafatiaga . . . ina ua mavae lo'u papatisoga e le mafai ona ou faamatalaina,” o le tala lea a Dong Sull. “Ua tele mea ua matou le maua i le faagasologa [o le auai i le Ekalesia], ae ua tele atu mea ua matou maua nai lo le mea na matou moemiti i ai.”

Côte d'Ivoire

“Faitotoa o le Ola ma le Fiafia”

O Lydie Zebo Bahie o le tamaititi mulimuli o lona aiga sa nofo i le fale ina ua maliliu uma ona matua. O lenei mea na taitai atu ai i le ogaoga o le atuatuvaale. O lona tei, o Faet Nadege, na faailoa atu o ia i le O Le Ekalesia a Iesu Keriso o le Au Paia o Aso e Gata Ai.

Ina ua alu o ia i le lotu mo le taimi muamua, sa lagona e Lydie le alofa tele mai tuafafine o faalapopotoga a le Aualofa ma Tamaitai Talavou. E ui ina sa le toe faitau o ia i le taimi o lona atuatuvaale, ae sa mafai ona ia toe taulai atu a o ia suesue i le Tusi a Mamona. Na papatisoina o ia i le aso 18 o Novema, 1995.

E lei leva ona uma lona papatisoga, ae ia maua se avanoa e toe faafoi atu ai le alofa sa faaali atu ia te ia e ala i le auauna atu i faalapopotoga a le Aualofa ma Tamaitai Talavou. Sa ia auauna atu foi o se faifeautalai a le paranesi, ma valaaulia isi ia iloa le faaumeaina ma le filemu lava lea e tasi sa ia mauaina talu ai nei. “O nei valaauga uma na faamalosia ai au ma fesoasoani ia te au e alualu ai i luma, i le faaleagaga ma faalemafaufau, “o le tala lea a Lydie.

Na avea Lydie ma se tasi o faifeautalai tamaitai muamua na auauna atu i le Misiona a Ripapelika Temokarasi o Congo Kinshasa.